

TE HEHEURAA API.

I neia i te piha neneiraa a te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoê.

“E faarue te paiete ore i to'na haerea, e te taata parautia ore i to'na mana'o: a ho'i ai oia ia Iehova, e na'na oia e aroha mai: e ho'i to tatou Atua, te rahi ra hoi ia'na te faaore i te hara.” Isa. 55: 7.

Nu. 5.

10 Febuare, 1909.

Mat. 2.

Te Taata Aau Taiva

No te aroha o te Atua ua hamani Oia i teie nei ao ei parahiraa no te taata. Ia oti te ao nei i te hamanihia, ua tuu mai Oia i te taata i nia iho ia riro te ao nei ei haapiiraa ua'na, ia tupu to'na ite e to'na paari e to'na maitai i te rahiraa i tera mahana e i tera mahana, te tahi reni na nia iho i te tahi reni, te a'o na nia iho i te a'o, e tae noa mai i te tau e riro ai te taata mai to'na Metua i te ao ra te huru. Ua heheu pinepine mai te Atua i ta'na parau i te taata na roto i ta'na mau peropheta i tera tau e i tera tau, mai te faaue mai ia'na ia haapao oia i taua mau parau ra, e na taua mau parau ra e aratai ia'na i roto i te basileia o te ao, ei roto i te maitai rahi e te nehehehe rahi hau ê, e ore oia e taea-faahou-hia e te pohe, te **mamae**, te **ino**, e te **mau mea atoa** e oto ai te aau. Ua farii noa te taata i taua mau parau heheu ra i te tahi mau taime iti poto, aita râ i maro ua taiva te aau o te taata e ua haere oia i to'na iho haerea e ua haapao i ta'na iho mau parau. Tera mai te hinaaro hoê roa o te Atua, oia hoi, ia riro te taata mai ia'na atoa ra te huru, no reira ua



hamani oia i te taata i to'na iho hohoa e ua tuu mai i te faaueraa ia maitai roa te taata mai ia'na e maitai roa ra. Mat. 5: 48. Aita e tia i te taata ia haere atu i te vahi i parahihia e te Atua e hi'o i to'na huru, no reira ua faaite pinepine mai te Atua i to'na huru i te taata na roto i ta'na mau peropheta, ia ore ratou ia pee atu i te tahi mau mea i parauhia ei Atua, e ua tuu mai i te faaueraa, "Eiaha roa to oe ei Atua e atu ia'u nei." Aita râ i maoro ua haamata te tahi pae taata i te haamori i te mahana, ua haamori te tahi pae i te mau fetia, e ua haamori te tahi pae i te raau, e te tahi pae i te puua, e te tahi pae i te tii, e te tahi pae i te mata'i, e te tahi pae i te auahi, e te tahi pae i te hoê mea ta ratou i parau e, e varua o tei anoinohia i roto i te mau mea atoa. Hoê roa ra Atua ta tatou e haamori; oia hoi, te Atua no te mau Atua, te Atua no Aberahama, e no Isaaka e no Iakoba, to tatou Metua mau i te ra'i, o te faaau ia tatou i to'na iho hohoa e o te ore e parahi ma te mauruuru e tae noa'tu ua riro tatou mai ia'na atoa te huru i te maitai, e te parau-tia, i te tino tahuti ore, i te ite e te paari, e i te mau mea atoa. I to Adamu ma parahiraa i roto i te ô i Edene ua farerei pinepine raua i te Atua, ua faaroo raua i to'na reo, e ua paraparau raua ia'na mai te taata e paraparau i to'na hoa, e ua ite papu raua ua hamanihia raua i to'na iho hohoa; e ere oia i te mea menemene e mai te mata'i te huru o te ore e hi'ohia e te mata e o te ore e faaroohia e te taria, ua faaroo mau ra raua i to'na reo e ua tapuni ia ore ia farerei ia'na i muri a'e i te amuraa i tei rahuhibia ra. Gen. 3: 8-10. Ua haapii Adamu i to'na huaai i te huru o te Atua, aita râ i maoro ua faarue te taata i te parau a te Atua e ta'na mau faaueraa e ua ino te haerea o te taata atoa o te ao nei, e no reira ua haamouhia te taata i te diluvi. E muri a'e ua parau mai te Atua ia Noa ia ite oia i to'na huru e ua fafau Oia i te hoê faufaa ia'na i ite ai Noa ma e e Atua ora te Atua, e ere oia i te hoê mea i anoinohia i roto i te mau mea atoa, e hohoa râ te

taa
te t
par
râ i
e u
Ua
i ni
E r
to'r
18:
oia
ia l
mo
na
rau
Iak
hur
ma
e m
te t
ore
haa
te A
ihon
feia
mai
taat
faai
atu
20-
(Ex
ore
Mea
faat
pine

taata no'na, e faaroohia to'na reo, e e tia ia'na ia fa mai i te taata e e fafau i te parau mai te tahi taata e fafau i te parau i te tahi. Ua haapii Noa i te reira i to'na huaai, aita râ i maoro ua ore ratou ua tiaturi i te Atua e i ta'na parau e ua patu ratou i te Patu i Babela ei haaapuraa no ratou. Ua haapeapea te Atua i to ratou reo e ua haapurara ia ratou i nia i te fenua e ati noa'e no te mea ua taiva to ratou aau. E muri a'e ua fa mai Iehova ia Aberahama ia ite oia i to'na huru, e ua fafau i te faufaa ia'na. Gen. 12: 7. 18: 1-5. Ua fa atoa mai te Atua ia Isaaka ia ite papu atoa oia i te huru o te Atua mau (Gen. 26: 24) e tia atoa ia'na ia haapii atu i to'na huaai, ia ore ratou ia pee atu i te haamoriraa idolo no te mau nunaa i parahi fatata mai. Ua na reira atoa te Atua ua fa atoa mai Oia ia Iakoba e ua tôraua. Gen. 32: 24-30. Na roto i taua tôraa ra ua ite papu Iakoba ua hamanihia oia ma te hohoa o te Atua, a na to'na humaha pirioi ra i faaite ia'na e ere te reira tôraa i te tôraa mana'o i iteahia i roto i te taoto, e ere hoi i te parau faaau, e mea mau râ to'na farereiraa i te Atua no te ra'i. Eaha te tumu ua fa pinepine mai te Atua i te taata? Tera ia, ia ore te Atua ia moe i te taata e ia ore ratou ia pee ê atu i haamoriraa i te mau Atua êê e te mau idolo. Ua ite papu te Atua e mea poto roa te mana'o o te taata nei. Ua parahi i hora te huaai o Iakoba e 400 matahiti i Aiphiti i rotopu i te feia haamori mahana e te mau idolo, e no reira ua fa faahou mai te Atua ia Mose mai te paraparau ia'na mai te tahi taata e paraparau i to'na hoa, te mata i te mata, e mai te faaite atoa mai i to'na ra tino ia'na ia tia ia'na ia haapii atu i te ati Iseraela i te huru mau no te Atua. Exo. 33: 9-11, 20-23. Ua faaite atoa Oia i to'na huru i te Hitu Ahuru (Exo. 24: 9, 10) ia riro ratou ei ite i to'na huru mau e ia ore ratou ia pee atu i te mau Atua haavare no Aiphiti. Mea poto roa râ to ratou mana'o, e i te oreraa o Mose ua faatia ratou i te tahi kafa ei Atua no ratou. Ua tono pinepine mai te Atua i te tahi atu â mau peropheta, oia hoi



o Isaia, o Ieremia, o Hosea, e o Nehemia ma ei haapii i te ati Iseraela i te parau a te Atua mau e ei faaara ia ratou i te haamoriraa ia Baala e i te mau Atua êê e te mau idolo no te mau nunaa o tei parahi i te mau fenua e ati noa'e i te fenua Kanaana, no te mea ua faataupupu te ati Iseraela i te haamana'o i te Atua mau e ua pee oioi ratou i te mau Atua êê. Ier. 14: 7. E muri a'e ua tonono mai te Atua i ta'na Tamaiti Fanau Tahi i te tino nei o Iesu Mesia, ei Faaora no to te ao e ei faaiteraa papu i te huru mau no te Atua. Tera mai ta Iesu parau i haapii tamau, oia hoi o te Atua Mana Hope ra to'na ra metua. E ere te parau Metua i te parau faaau, e Metua mau râ te Atua no Iesu e no te taata atoa, e o Iesu to tatou taeae matahiapo. Ua parau maira Philipa ia Iesu, "E te Fatu, a faaite mai ia matou i te Metua atira'tu." Ua pahono atura Iesu, "O tei hi'o mai ia'u ra, ua hi'o ia i te Metua." Ioa. 14: 8, 9. E ere o Iesu i te Metua, hoê râ to'na huru e to te Metua, e no reira e faaiteraa papu Oia i te huru no te Atua. Phil. 2: 5, 6. E tino to Iesu, e tino atoa to te Atua. Ua riri te ati Iuda ia Iesu i te mea ua haapii Oia e o te Atua to'na ra Metua, e ua pari ratou ia'na i te faainaina Atua; e tapao papu ia te reira ua taiva ratou i te Atua mau e ua ore ratou ua haamori i te Atua no Aberahama e no Isaaka e no Iakoba. Ahiri ratou i tamau i te haamoriraa i te Atua mau, aita ratou i riri i ta'na Tamaiti e i hamani ino ia'na. E feia aau taiva mau te ati Iuda i te reira tau. I muri a'e i te raveraahia Iesu i nia ma to'na tino atoa i muri a'e i te tia-faahou-raa, ua haapii haere ta'na mau pipi i te parau ra e o Iesu te Tamaiti a te Atua, e ua hamani-ino-hia ratou no te reira haapiiraa. I te pehiraahia o Setephano i te ofai e te ati Iuda no ta'na haapiiraa i te parau a Iesu ua vetea'era te ra'i e ua ite oia ia Iesu i te tiaraa i te rima atoa o te Atua, aita râ i maoro ua upootia i roto i te ekalesia te haapiiraa ra e, aita to te Atua e tino, e na mana faahou i roto i te aau o te feia maiti no te Atua te mau haapiiraa no te etene, e Atua

aapîi i te
 ia ratou i
 mau idolo
 roa' e i te
 raela i te
 ou i te
 mai te
 su Mesia,
 mau no
 oia hoi o
 te parau
 no Iesu e
 apo. Ua
 te mai ia
 u, "O tei
 8, 9. E
 tua, e no
 Phil. 2:
 riri te ati
 to'na ra
 ; e tapao
 ore ratou
 no Iako-
 tua mau,
 a'na. E
 nuri a'e i
 ri a'e i te
 parau ra
 ratou no
 ofai e te
 ea'era te
 te Atua,
 iraa ra e,
 e aau o te
 e, e Atua

itea ore to ratou Atua. Ohi. 17: 23. No reira ua tōno
 faahou mai te Atua i te tahi peropheta, o Iosepha Semita,
 ei haapîi i te feia taiva o te ao nei i te huru mau o te Atua
 e ei faafariu faahou mai i te taata i te Atua no Aberahama
 e no Isaaka e no Iakoba, e ere roa Oia i te Atua ite ore, e ua
 fa mai te Atua e te Tamaiti atoa ia'na ia tia ia'na ia
 haapîi ta'na i ite mai ta'na i na reira ia Aberahama, ia
 Isaaka, ia Iakoba, ia Mose ma e i te mau peropheta e rave
 rahi i te anotau tahito. I te matahiti 1830 aita roa te hoê
 ekalesia i nia i te fenua nei o tei haamori i te Atua no Ab-
 erahama e no Isaaka e no Iakoba, ua haamori râ ratou atoa
 i te tahi mau mea i faaauhia i roto i to ratou aau ta ratou i
 parau e e Atua. Ia parauhia ratou e ua fa maira te Atua
 ia Aberahama e ua amu i te maa ia'na ra, ua pahono mai
 ratou aita to te Atua e tino; e ia parauhia ratou ua tō te
 Atua raua o Iakoba e ua fafa Oia i te humaha o Iakoba, ua
 pahono mai ratou aita no'na e tino e tia ia'na ia tō e ia fafa
 i te humaha; e ia parauhia ratou e ua papai te Atua i te
 mau faaueraa hoê ahuru aore i nia i te pāpā ofai a horoa'tu
 ai ia Mose, ua pahono mai ratou aita to te Atua e rima; e ia
 parauhia ratou ua faaite te Atua i to'na tua ia Mosa e ua
 paraparau ia'na te vaha i te vaha, ua pahono mai ratou
 aita to te Atua e tua e aita hoi e mata; e ia parauhia ratou
 ta te Atua faaiteraa i to'na huru i te Hitu Ahuru e to'na
 hanahana e te hanahana i raro a'e i ta'na avae, ua pahono
 mai ratou aita to'na e avae; e ia parauhia ratou i ta Sete-
 phano i ite te Tamaiti i te parahiraa i te rima atau o te
 Atua, ua pahono mai ratou aita to te Atua e rima atau; e ia
 parauhia ratou ua fa mai te Atua ia Iosepha Semita ua pa-
 hono mai ratou aita to te Atua tino e itea i te taata. No
 reira ua itea-papu-roa-hia e aita ratou e haamori i te Atua
 no Aberahama e no Isaaka e no Iakoba, te Metua no Iesu,
 ua taiva faahou râ ratou e ua haamori i te mau Atua no te
 mau nunaa i parahi i te mau fenua i fatata mai i te fenua
 Kanaana, no to Helene, e no to Aiphiti, e no to India ma.



Ua heheu faahou mai te Atua i ta'na parau i ta'na mau peropheta i teie nei tau hopea ia ite te taata i to'na huru mau, e ua tonono faahou Oia i ta'na mau tavini i te mau fenua o te ao nei ei haapii i te taata i te evanelia a Iesu Mesia e ei faafariu faahou i te taata i te Atua no Aberahama e no Isaaka e no Iakoba. E ao to'na to tei roaa to'na ite i te huru o te Atua mau e o tei faaau i to'na haerea i ta'na mau parau. "Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tonono mai." Ioa. 17: 3.— FARANI TUTERERA.

E Parau Matutu

Te matutuhia ra, na roto i te mau nupepa no Beritane, te parau ra e, ua au anei ia amu noa to te tahi Ekalesia i te oroa a te Fatu i roto i te tahi amuiraa ê, e aore râ na to te Ekalesia ana'e iho e amu, eiaha to te tahi faaroo. Teie te mana'o no te tahi pae: Na Iesu ana'e te mau Ekalesia Porosetane êê atoa, e no reira aita e au ia opani atu to te tahi haapaoraa i to te tahi i te amuraa i te oroa.

No te aha i tupu ai te reira huru? E ere anei no te mea aita ratou i haapiihia e te Varua hoê? E ua faarue hoi ratou i te ravea i haapaohia e Iesu Mesia ei faaore i te aueue-noa-raa i tera parau e i tera parau, mai te tamarii ra? Te reira noa iho ia.

Ia faaho'i mai te Atua i ta'na Ekalesia mai te medebara mai, i te m. 1830, aita Ona i vaiiho taa ore i teie nei parau i nia nei, ua haapapu mai râ Oia i te reira vahi. No to ta'na Ekalesia ana'e iho te oroa, oia ia no ratou o tei faaroo i ta'na parau, e ua haapae i ta ratou ra mau hara, e ua tamâhia na roto i te bapetizoraa i roto i te pape, e ua farii i te Varua Maitai na roto i te tuuraa rima. O ratou ana'e ia tei au ia amu i te pane e ia inu i te uaina ei haamana'oraa i te poheraa o te Fatu. Eiaha roa râ ratou e amu ma te au ore.

Te Ekalesia a te Taata Nei

I te matahiti 1892 i te oire ra o New York ua faatupu-hia te hoê haapaoraa o tei parauhia ra e, Te Varua Maitai e Tatou, na te hoê taata o Frank Sandford teie nei haapao-raa i faatupu, ua parau mai oia e, na roto i te hoê po pureraa ua heheu mai te Atua ia'na e ta'na vahine e faaroo raua i te Atua e tia'i e e tiaturi maite hoi i te Varua Maitai e tae noa'tu i te hopea ra.

E tae noa'tu i te matahiti 1893 i te avae ra o Tenuare, ua haere atura oia i te tahi mau tufaa, e poro haere atu i te mau taata i to'na mana'o i nia i te evanelia, ma te mana'o e, e tavini mau oia no te Atua, e i muri iho ua ho'i faahou mai oia i to'na ra oire mau o Bowdoinhom, ia tae ona i reira, ua haere atu oia i tera oire e i tera oire i te faa-iteraa i te huru no teie nei haapaoraa apî ta te Atua i faatupu, e ua manuïa rii oia i to'na tere. E tae noa'tu i te matahiti 1894, ua nenei oia i te hoê vea o tei parauhia ra e, te arero auahi, e i reira ua noaa ia'na te hoê boti no te faautaraa i ta'na ra mau pipî i te pae i te hitia o te râ i te fenua ra o Amerika, i te haapiiraa atu i te evanelia i te mau mataro o te parahi i te pae i tai i te tufaa fenua ra o Maine. Ua haapii-atoa-hia e, ua heheu mai te Atua ia'na, e tae mai te tau e haere atu ratou i te mau fenua atoa o te ao nei, e haapii atu i te evanelia.

I muri iho ua mana'o Sanford, ua uruhia oia i te Varua Maitai e ua haapii mai oia na roto ia'na ua faaite mai te Atua i to'na mana'o, e aita i maoro ua parau maira oia e, e mana to'na ei faaora i te mau huru ma'i atoa, e tiahi ê atu i te mau demoni i rapae. E ua haamata oia e tiahi i te mau demoni i rapae i ta'na iho mau pipî, ma te mana'o e, ua uruhia ratou e te varua ino.

E i teie nei te haapii nei oia e, o Elisaia ona, e ua maitihia oia e te Atua, ei faarii atu ia'na i te piti no to'na ra taeraa mai.

Te Mana'o o te Feia Rave Mara

I to'u parahiraa i Tahiti nei, ua ite atu vau i te tahi mau ravea huru e. Tei Papeete nei, e tei te mau mataeinaa te vetahi mau taata inu ava. O tei faatavaha i ta ratou mau puaahorofenua poria e te itoitō rahi, ei puto i to ratou mau pereoo i te mau vahi inuraa ava, e i te mau vahi arearearaa, e ia tae ratou i te fare inuraa ava, e inu ia ratou, e ia taero roa, ei reira ratou e haere ai i nia i to ratou mau pereoo, e te upaupa umeume e te feia ute, afaahoro ai na te mau purumu no Papeete, e ia rohirohi te puua, aore te fatu i haapao noa'tu, e tairi â ia oia, e ia rahi noa'tu â te tairiraa. Teie to'na hinaaro, e horo â te puaahorofenua, noa'tu to'na rohirohi, teie te hinaaro o taua taata nei e faaau maite mai te puaahorofenua, mai ta'na i hinaaro ra.

Tei te Tuamotu te tahi mau taata haapao atâ ino, te faaea ra ratou i te hoê motu huru atea. Ua faaitēhia na râ te parau no te hoê mahana faaarearearaa, no te mau huru atoa i hinaarohia. Ua opua ihora ratou e tere na nia i te hoê boti, e te farara noa maira te maitai. Ua reva'tura ratou, e tae atura ratou i tua i reira, mania ihora. Ua na ô a'era ratou, "E mania ra hoi," e aita i maoro roa ua farara maira te mata'i puai roa. Aita nehenehe ia faatere, tuu ihora i te mau ie, painu noa ihora, parau faahou ihora ratou, e puai râ hoi no teie nei mata'i. Ahiri e ere te mata'i puai roa, ua tae tatou i uta i teie nei ahiahi. E aita i maoro roa, mania ihora. E maoro a'e ra ratou i te painu-noa-raa. Ua parau maira te hoê o ratou, "E mania râ hoi; ahiri maa maitai rii, te tere noa ra ia." E e toru hora ratou i te painu-noa-raa paapaaina rii maira te maitai, na nia tia noa maira i te fenua ta ratou i hinaaro ra. Ua parau maira te taata i mau ite hoê, "Ahiri teie mata'i ina muri noa mai ua au roa ia."

E hōhā e! A hi'o na'i te mau mana'o o te feia rave hara. Ia horoa mai te Atua i te mania, aita ratou i mauru-



uru, ani atu i te maitai, aita'tura hoi ia i tia hinaaro atura i te maitai rii au, e ia tuuhia mai te maitai rii au na mua mai, aita i hinaaro i te reira e huri râ na muri mai, ia tere tia noa i uta, ia faaotihia to ratou hinaaro tia ore.

E homa, a hi'o na i te huru. Aita te taata hara i mau-ruuru i ta te Atua i horoa mai. Teie to ratou hinaaro, e faaau maite mai te Atua mai ta ratou e mana'o ra, aita râ ratou i mana'o e, e faaau atu ratou ia ratou iho mai ta te Atua i hinaaro ra.

E te mau taeae ra, ia faautuahia mai oe e ana ia tae i te mahana hopea ra, eiaha e imi i te otoheraa, te auraa hoi ta'na tuuraa utua.— TOAE.

Te Uiraa Bibilia

Te tuuhia'tu nei te hoê uiraa na roto i teie nei vea ia outou e te mau hoa no TE HEHEURAA APÎ, e o tei hinaaro i te pahono i teie nei uiraa ra, a pahono mai oia na roto i te hoê parau uouo, hapono mai i te piha no TE HEHEURAA APÎ i Papeete nei, e na'na e hi'o e te mau pahonora'a'toa i tano, e haaparare oia i te reira i te mau vahi atoa ta'na e haere ra.

Teie taua uiraa ra: "Ua tia faahou ani te Mesia i te poheraa ra?"

"O to'u ia toto, e toto no te faufaa apî, i haamanihia no te taata e rave rahi ia matara te hara." Mat. 26: 28.

Ua baptizo-atoa-hia tatou ia matara te hara ei riro tatou e feia tiamâ i mua i te aro o te Mesia, e no reira e rave tatou i te oroa i muri iho i te baptizoraa e tia'i no te mea, "Ua parau maira Iesu ia ratou, *Amene, amene*, e parau atu vanu ia outou, ia ore outou ia amu i te tino o te Tamiti a te tata na, e ia ore hoi ia inu i to'na toto, uore ia e ora i roto ia outou." Ioa. 6: 53. E no reira ua ite tatou e, e papiti te baptizoraa e te oroa, oia hoi e amu i te pane e inu atoa i te uaina, e tia'i no te matararaa o te hara.

No tei Imi i te Paari

E toru mea e au ia tatou ia faaitoito— ia haamana'o, ia opua e ia rave faaoti.

E toru mea e au ia tatou ia tapea maite— te riri, te arero, e te hopoiraa i te parau ino.

E toru mea e au ia tatou ia faatupu— te mana'o mâ, te haapao maitai e te paari.

E toru mea e au ia tatou ia here— te mätä'u ore, te haamana'o ia vetahi êê, e te aroha.

E toru mea e au ia tatou ia paruru— te roo maitai, te hau fenua e te mau hoa.

E toru mea e au ia tatou ia haapae ê atu— te hamani-ino, te teoteo e te mauruuru ore.

E toru mea e au ia tatou ia haapii atu— te parau mau, te rave-itoito-raa i te ohipa rima e te taioraa i te mau buka maitatai.

E toru mea e au ia tatou ia hi'o haamaitai atu— te ite rahi, te itoito, e te haapao maitai.

E toru mea e au ia tatou ia farii ma te au maitai— te mana'o faahoa, te mana'o hau e te taata faaoa'oa noa.

E toru mea e oaoa'i to tatou aau— te nehenehe, te tiamâ e te parau haavare ore.

E toru mea e au ia tatou ia titau atu ia roaa— te tino ma'i ore, te mau hoa paari e te mana'o mauruuru.

E toru mea e au ia tatou ia imi— te mau buka maitatai, te mau hoa au maitai e te mana'o faahapa ore.

E rave rahi te mau mea maitatai mai teie nei mau mea te huru i hinaarohia e te taata, aita râ i roaa, no te mea ua parahi te taata i hinaaro ra ma te faatau. "Te hinaaro noa ra te varua o te taata faatau, aita râ a'na vahi i noaa; area te varua o tei faaitoito ra e haapouriahia ia." Mas. 13: 4. Na roto i te ohipa e riro te opaa ei pufa e roaa'i te moni. Na roto hoi i te ohipa e roaa'i i te taata te mau mea maitatai atoa.



Te Mau Parau Api.

I te 19 no Novema, ua hi'opoahia te Mikado e 110 pahi manua no Iapone.

I te oire ra o New York i te fenua ra o Amerika, ua taparahihia na taata 18 e ua pepe na taata 135 i te tue hauti i te matahiti i mairi a'e nei.

I te 3 no Ditema ua haaparari te tahi pupu taata eiâ i te fare moni i te oire ra o Pepperell i te fenua ra o Amerika, ua eiâ ratou e iva tausani dara tiahapa. Ua tuu ratou i teie nei moni i nia i te pereoo uira, e ua horo.

I te 3 no Ditema nei i te oire ra o Tokio i te fenua ra o Iapone, ua tupu te hoê mata'i taninito rahi roa, e rave rahi te mau taata i pohe e e mea rahi hoi te tao'a i pau. E mea oioi roa te tupu ra no teie nei mata'i taninito, e ua haere te mau taata e ravaai, e no reira aita ratou i tae i uta ua huri to ratou mau boti e 35, e ua pohe roa na taata e 350 i roto i te miti.

I te 25 no Novema i te tereraa no te hoê pahi auahi mai te oire ra o Liverpool e tae noa'tu i te oire ra o Alexandria i te fenua ra Aiphiti, ua pau i te auahi. Ia'ite te mau taata i nia i te pahi, e ua tupu te auahi, ua haamata ratou i te au i roto i te miti ma te mata'u rahi roa. I roto i teie nei ahoaho ra, ua haapao maitai te ratira e te mau mataro i ta ratou ohipa, i nia iho i teie nei pahi e na taata e 200, e no roto mai i teie 200 taata, ua pohe roa 123 taata i roto i te miti. E ere teie nei pahi i tua roa i roohia'i i teie nei ati, e no reira te mau taata i uta i tere mai ai ratou e ua faaora i te tahi mau taata no nia mai i te pahi.

Ua aueue faahou te fenua ra o Italia i te 29 no Ditema nei e 200,000 taata i pohe roa. Ua haamata te aueueraa i te hora pae e te afa i te poipoi, e ua horo te mau taata i rapae i to ratou mau fare ma mata'u rahi roa, e i taua hora ra, ua mairi mai te mau fare i raro, e ua moe te mau taata i roto, e ua tae mai te miti rahi i nia'e i te fenua 35 pie i te teitei. Na roto i te aueueraa, ua haamata te ama te mori arahu i roto i te tahi mau fare, e ua pau te mau fare e rave rahi. Ua faarahi te mau taata i to ratou oto, e ua pure. E ua pau na oire 24 i te aueueraa e te auahi. No te maa ore i muri iho i teie nei ati rahi, ua pohe te mau taata i te poia, e ua tama'i i te tahi pupu taata no te hoê aua pipi, e e rave rahi te mau taata i taparahihia. Te taparahi nei ratou i te uri, te asani e te puaahorofenua ei maa na ratou, e te opere haere nei ratou i teie nei maa na te mau taata i pepe i te aueueraa fenua.

I te 31 no Ditema nei, ua iteahia te hoê ofai piru e ua faitohia e 5 paunu e te afa no te oire ra o Talga i te fenua ra o Auteralia.

I te 8 no Tenuare, ua anihia mai te taata papai parau no te manua Amerika, e faataa ie 75 milioni dara no te hamaniraa i te mau pahi tama'i.

Ua faauehia te mau pahi manua no Amerika e te peresideni no te hau e haere i te fenua ra o Italia e tauturu atu i te mau taata i to ratou ati, oia hoi i te mau taata o tei roohia i te ati.

I te 9 no Ditema i mairi a'e nei, ua hoo te afii vahine no Alemaniam i to'na hei taupo i na moni e 25,000 dara. I roaa ia'na teie nei moni, ua horoa atu oia i te reira i te mau taata veve e te mau otare atoa.

I na avae i mairi a'e nei, e rave rahi te mau metua i tuuhia i roto i te fare auri i Niu Zilani no te mea aita ratou i haapao maitai i te ture o te fenua, oia hoi aore ratou i tono atu i ta ratou mau tamarii i te haapiiraa, no reira ua hurihia ratou i roto i te fare auri.

I te 10 no Ditema i te avae i mairi a'e nei, ua roohia te taata ra o Jack London i te hoê ma'i, no reira ua parau mai oia e, aita oia e ora vave i taua ma'i ra e faaore-roa-hia ia, i ta'na ohipa tere haere i tera fenua e i tera fenua, e no reira ua haapono atu i to'na pahi i te oire ra o Sydney ia hoohia.

Ua opanihia a'e nei te aua puaatoro i te oire ra o Buffalo i te fenua ra o Amerika no te mea ua tupu te hoê ma'i i nia iho i te vaha e te avae no te puaatoro, e ua mana'ohia ra e haere te hoo no te puaatoro i raro, e ua faaore-roa-hia te haaponoraa i te fenua ra o Beritane, e ua ere ratou i teie nei maitai rahi.

I te 20 no Ditema i te hororaa no te hoê orometua Hungarian, o Hiskirt to'na i'oa, e te tahi vahine i roto i to'na pereoo, ua roohia raua i na luko taehae e vau. E ua ite mai raua i teie nei mau luko, ua pupuhi te orometua te hoê, e ua horo atu e hitu ma te mata'u rahi, e i muri iho ua mana'o ona e haere e rave mai i te tino no te luko pohe ra. Ua faaea te pereoo, e ua haere atu oia e hopoi mai i taua luko i pohe ra, i reira ua ho'i mai taua mau luko ra, e ua mata'u te puaahorofenua e ua horo atura, e ua mairi te orometua i muri, e i muri rii iho, ua ho'i mai te vahine i roto i te pereoo, e ua amuhia te orometua e te mau luko taehae.

Toae a Maire, Faaau Parau,

Rue Dumont d'Urville, Orovini, Papeete, Tahiti.

Frank Cutler, Imprimeur,

Rue Bréa et de la rue Dumont d'Urville, Papeete, Tahiti.